

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज नमीं दिल्ली च सब्बने राज्यें ते केन्द्र शासत प्रदेशें दे मुख्ख सचिवें दे सम्मेलन दी अध्यक्षता करगंन।
- रेल मंत्री अश्विनी वैष्णव होरें दस्सेआ ऐ जे उधमपुर, श्रीनगर ते बारामुला रेल लिंक दी पटरियां बछाने दा कम्म मुकम्मल करी लैता गेआ ऐ।
- उपराज्यपाल मनोज सिन्हा होरें आखेआ जे मुख्खै दे नोजवान सकारात्मक बदलाव लेई कम्म करा करदे न।
- मुख्खमंत्री उमर अब्दुलला होरें जोर देइयै आखेआ ऐ जे युवाएं गी पढ़ाई दे हद्द कोला मते बोझ कोला मुक्त कराना बड़ा जरूरी ऐ।
- 5 हॉकी च महिला जूनियर एशिया कप दे सैमीफाइनल च अज्ज भारत दा मकाबला जापान कन्नै होग।

<><><><><><>

PM National Conference

प्रधानमंत्री नरेन्द्र मोदी होर अज्ज नमीं दिल्ली च मुख्ख सचिवें दे चौथे राश्ट्रीय सम्मेलन दी अध्यक्षता करगंन। सम्मेलन दा मकसद सहकारी संघवाद पर ध्यान केन्द्रित करदे होई केन्द्र ते राज्यें बश्कार सांझेदारी गी होर निगगर करना ते तेजिया कन्नै बरोस ते विकास हासल करने लेई बेहतर साथ सैह्योग जकीनी बनाना ऐ। मुख्ख सचिवें दा पैहला सम्मेलन जून 2022 च धर्मशाला च लग्गा हा, जेहदे बाद दूआ सम्मेलन जनवरी 2023 च दिल्ली ते त्रीया पिछले ब'रे दिसम्बर म्हीने दिल्ली च गै सद्देआ गेआ हा। साढ़े संवाददाता नै जानकारी दित्ती ऐ जे सम्मेलन च सब्बने राज्यें ते केन्द्र शासत प्रदेशें दे मुख्ख सचिव, बड़्डे अधिकारी ते बक्ख-बक्ख क्षेत्रें कन्नै जुड़े दे माहिर हिस्सा लै करदे न।

<><><><><><>

LS Constitution

भारत दे संविधान दे 75एं ब'रें दी गौरवशाली जात्ता पर लोकसभा च चर्चा अज्ज बी जारी रौह्ग। प्रधानमंत्री नरेन्द्र मोदी होर अज्ज गै चर्चा दा परता देङन। संविधान गी अंगीकार कीते जाने दे 75 ब'रे पूरे होने दे मौके पर कल लोकसभा च दऊं दिनें दी चर्चा शुरू होई। चर्चा दी शुरुआत करदे होई रक्षा मंत्री राजनाथ सिंह होरें आखेआ जे भारती संविधान नै समाजी, आर्थिक, राजनीतिक ते सांस्कृतिक जीवन दे सब्बनें पैह्लुएं पर विचार करदे होई राष्ट्र निर्माण दी बत्त पदरी कीती ऐ। उनें आखेआ जे 75 ब'रे पैहले संविधान सभा नै नमें आजाद भारत लेई संविधान बनाने दी प्रक्रिया पूरी कीती ही। रक्षा मंत्री होरें आखेआ जे संविधान सभा आसेआ बनाया गेदा संविधान छड़ा इक अधिकारिक दस्तावेज गै नेई हा, सगुआं एह लोकें दी इच्छेआ दी अभिव्यक्ति बी ऐ हा। उनें आखेआ जे संविधान कुसै इक पार्टी दा जोगदान नेई, सगुआं भारती मुल्लें—कदरें मूजब बनाया गेदा इक बेजोड़ ते परिवर्तनकारी दस्तावेज ऐ। श्री सिंह होरें आखेआ जे प्रधानमंत्री नरेन्द्र मोदी हुंदे नेतृत्व च सरकार सबका साथ, सबका विकास, सबका विश्वास ते सबका प्रयास दी भावना कन्नै कम्म करै करदी ऐ। उनें आखेआ जे सरकार भारत दे संविधान च दस्से गेदे धर्म मूजब बी कम्म करै करदी ऐ।

<><><><><><>

USBRL

केन्द्री रेल मंत्री अश्विनी वैष्णव होरें घोषणा कीती ऐ जे उधमपुर, श्रीनगर बारामुला रेल लिंक परियोजना लेई पटरियां बछाने दा कम्म शुक्रवारें सबूरा होई गेआ ऐ। सोशल मीडिया प्लेटफार्म एक्स पर अपनी इक पोस्ट च वैष्णव होरें इस इक एतिहासिक मील दा पत्थर करार दिंदे होई आखेआ जे श्री माता वैष्णो देवी दी त्रिकुटा पहाड़ें दे चरणे च बसोदी कटड़ा नगरी गी रियासी कन्नै जोड़ने आली 3.2 किलोमीटर लम्मी सुरंग टी-33 लेई पटरी बदाने दा कम्म शुक्रवारें दपैहरीमुकम्मल होई गेआ ऐ। उनें अगगे आखेआ जे भारतीय रेल संपर्क दा एह महत्वपूर्ण मील दा पत्थर जनवरी 2025 जदमं दिल्ली ते श्रीनगर बश्कार सिद्दी रेलगड्डी चलना शुरू होई जाग, दे लक्ष्य गी हासल करने च इक महत्वपूर्ण उपलब्धि ऐ।

<><><><><><>

BSF Jammu

बन्ने पारा कुसै चाल्ली दी साजश गी जोड़ चढ़ने गी रोकने लेई सीमा सुरक्षा बल नै बन्ने पर अपनी धुसपैठ रोधी ग्रिड गी होर निगगर बनाई दित्ता ऐ ।बीएसएफ दे जम्मू फ्रंटियर दे महानिदेशक डी.के.बूरा होरें कल इक प्रेस कांफ्रेंस च जानकारी दित्ती जे बन्ने पर ड्रोन रोधी प्रणाली पूरी चाल्ली चुस्त दुरुस्त ऐ ते इस तकनीक दे स्थापत होने कन्नै अंतर्राष्ट्रीय बन्ने पर ड्रोन राएं थेआर ते नशीले पद्धार्थे दी तस्करी च बड़ी मती कमी।

उनें आखेआ जे साढ़ा लक्ष्य बन्ने पारा आतंकवादिएं दे घुसपैठ गी भलेया खत्म करना ऐ । बीएसएफ नै आखेआ जे घुसपैठ ते तस्करी रोकने लेई नमी तकनीकें दा पूरा पूरा इस्तेमाल कीता जा'रदा ऐ ते बल कुसै बी चाल्ली दी चुनौती पर खतरे कन्नै निबड़ने लेई पूरी चाल्ली तैआर ऐ।

<><><><><><>

PMJVK Poonch

जिला विकास काउंसल पुंछ दियां चेयरपर्सन ते जिला विकास कमीशनर विकास कुंडल होरें कल प्रधानमंत्री जन विकास कार्यक्रम तैह्त्त प्रोजेक्टें गी मुकदा रूप देने लेई जिला सतह दी कमेटी दी अध्यक्षता कीती। भारत सरकार दे अल्पसंख्यक मंत्रालय दी इस स्कीम दा मकसद समूलचे मुख्यै च अल्पसंख्यकें दे समाजी आर्थिक हालात च बेह्तरी आह्नना ऐ। एह्दे तैह्त्त इंदे लेई सेह्त, शिक्षा, ते हुन विकास बक्खी चेचा ध्यान दित्ता जंदा ऐ। बैठक च कुल 6 परियोजनाएं पर चर्चा कीती गई ते 12 मामलें गी कमेटी दी मंजूरी बी थोई गई।

<><><><><><>

Handicraft Pouni

हत्थखडिङ्ग ते दस्तकारिएं सरबंधी मैह्कमे आस्सेआ रियासी जिले दे पौनी ब्लाक च इक जागरूकता कैप लोआया गेआ जेह्दा मकसद मकामी बुनकरें ते होरने दस्तकारें कारीगिरें गी सरकार आस्सेआ उंदी भ्लाई बेह्तरी लेई रंभी गेदिएं स्कीमें दे बारे च जानकारी बनाना हा। इस कैप च लोकें बड़े मते उत्साह ते चाह कन्नै हिस्सा लैता ते मैह्कमे आस्सेआ उपलब्ध सहूलतें ते सरकार दिएं स्कीमें बारे जानकारी हासल करने च बड़ी मती दिलचस्पी दस्सी। इस दरान सहायक निर्देशक उजवल सिंह सम्बेयाल होरें किट्ठे गी संबोधत कीता ते लोकें गी कारीगिरें बुनकरें लेई क्रेडिट कार्ड स्कीम बारे बी दस्सेआ जेह्दे राएं ओह् सखल्ले दोहार कर्जा हासल करी सकदे न। उनें कारीगिरें गी सिखलाई ते माली मदाद देने आली कारखानादार स्कीम बारे बी जानकारी दित्ती।

<><><><><><>

LG Sinha Youth

उपराज्यपाल मनोज सिन्हा होरें कल नोजवान दे इक प्रतिनिधिमंडल कन्नै मिले। एह् नोजवान तमिलनाडू थमां जम्मू कश्मीर च एक भारत श्रेष्ठ भारत तैह्त्त युवा संगम आस्तै 5 दिनें दे दौरें पर न। गल्लबात करदे होई उपराज्यपाल होरें आखेआ जे तमिलनाडू ते जम्मू कश्मीर बड़े पुराने समर्थ थमां जुड़े दे न।

उनें आखेआ जे साढ़े नोजवाने दी समाजिक जागरूकता बड़ी मती मजबूत ऐ ते एह सिर्फ अपने आस्तै गै बड़े सुखने नेई दिखदे सगुआं देश गी महान बनाने आस्तै बी कम्म करा'रदे न। सारे नोजवान अपने मर्जी साहबै अपने भविष्य बारे सोचा'रदे न। उपराज्यपाल होरे आखेआ जे देश दा नोजवान तबका खुशहाल समाज आस्तै नमीं सोच कन्नै अगगे बधा'रदा ऐ। तोआई सिन्हा होरे नोजवाने आस्तै खास पालिसीएं ते कार्यक्रमे बारे दस्सेआ जेहड़े गै सरकार तरफा पिछले 10एं ब8रे च नोजवाने आस्तै शुरू कहते गे न।

<><><><><><>

CM-Academics

मुख्यमंत्री उमर अब्दुल्ला होरे नोजवाने गी पेश आवा'रदे बड़े मते दवाब बारे बालेआ, उनें आखेआ एह दवाब खासकरियै शैक्षणिक उत्कृष्टताआस्तै अवास्तविक मेदां लाने करी होंदा ऐ जेहड़े करी ओह अपना बचपन नेई जींदे न ते खुशिएं आस्तै उंदे जीवन च मता जगह नेई रौंहदी। जम्मू च कन्वेंशन सेंटर च आयोजित इक कार्यक्रम च बोलदे होई मुख्यमंत्री होरे जिंदगी गी लेइयै इक संतुलित नजरिया अपनाने आस्तै आखेआ। उनें छात्रे गी पढ़ाई दे कन्नो कन्नी खेड्डे च हिस्सा लैने आस्तै ते स्कूली किताबे दे अलावा दूई किताबे थमां जान लैने आस्तै आखेआ। उनें जोर दित्ता जे शिक्षा सिर्फ शिक्षण संस्थाने तोड़ी गै सीमित नेई ऐ सगुआं जिंदगी दे तर्जुबे बी अहम सिखलाईकरदे न। इस कार्यक्रम च हाई स्कूलें, हायर सकेंडरी स्कूलें दे मेधावी छात्रे गी सम्मानित बी कीता गेआ, जेहदे च मंत्रिएं अहमद राणा ते सतीश शर्मा होरे शिरकत कीती।

<><><><><><>

Industrial Visit

हायर सकेंडरी स्कूल कठार मनवाल थमां आईटी, आईटी ईएस दे छात्रे व्यावसायिक प्रदर्शन आस्तै वेव माल, जम्मू दा दौरा कीता। इंदे कन्नै स्कूल दी प्रिंसिपल वंदना गुप्ता ते व्यावसायिक प्रशिक्षक, अनिल गगन मजुद हे। छात्रे कसनेमा तकनीके, खुदरा प्रबंधन, डिजिटल मार्केटिंग ते सुरक्षा प्रणालिएं बारे जानकारी हासल कीती। इस कार्यक्रम जरिये छात्रे गी रिवायती सिखलाई दे कन्नै दुनिया च ओहदी महत्वता बारे पता लाया। साढ़े संवाददाता कन्नै कन्नै गल्लबात करदे होई सकूल दी प्रिंसिपल वंदना गुप्ता होरे दस्सेआ.....

<><><><><><>

CS-Jammu

मुख्य सचिव अटल डुल्लू होरे कल पर्यटन विभाग कन्नै बैठक लाइयै जम्मू हाल्फ मैराथन ते अल्ट्रा मैराथन 2025 दी तैआरिएं दा जायजा लैता जेहड़ी गै अगले ब8रे फरवरी च होंगन।

मुख्य सचिव होरें विभाग तरफा कीती गेदी तैआरिएं दी तफसीली जानकारी लैती। उनें पंजीकरण आस्तै पोर्टल गी तोले गे चालू करने आस्तै आखेआ तां जे मते कोला मते लोक इस बारे जानी सकन। इस मैराथन गी लोकप्रिय बनाने आस्तै लगातार प्रचार मुहिम चलाने आस्तै बी निर्देश दित्ते गे जेह्दे तैह्त्त निक्की विडीयो जिगल्स बगैरा शामिल होंगन।

<><><><><><>

Secrtary RDD

ग्रामीण विकास विभाग ते पंचैती राज सचिव मोहम्मद एजाज असद गिरें कल इक बैठक दी अध्यक्षता कीती जेह्दे च अहम मुद्दे जियां मनरेगा दी सालाना कार्य योजना 2025–26 आस्तै तैआर करना, नमें पंचैती भवन आस्तै लिमीं उपलब्ध करोआना, ओबीसी कमीशन गी जातति सरबंधी आंकड़े उपलब्ध करोआना ते ग्रामीण स्वरोजगार प्रशिक्षण संस्थानें आस्तै जिमीं दी शिनाख्त करना शामिल हे। बैठक च सचिव होरें जिला विकास आयुक्तें गी जिमीं दी शिनाख्त तोले गै पूरी करने आस्तै आखेआ।

<><><><><><>

Hockey

ओमान दे मस्कट च जूनियर एशिया कप महिला हॉकी टूर्नामेंट दे पैह्ले सेमीफाइनल च अज्ज भारत दा सामना जापान कन्नै होग। मैच भारती समयें मताबक संज्ञां 6 बजे थमां खेड्ढेआ जाह्ग। जंदे वीरवारें अपने पूल दे खीरले मुकाबले च भारत नै थाईलैंड गी 9–0 कन्नै हराइयै सेमीफाइनल च अपनी थाहर पक्की कीती ही। इस जित्त दे कन्नै गै भारत नै अगले ब'रे चिली च होने आह्ले एफ.आई.एच. जूनियर महिला हॉकी विश्वकप लेई बी क्वालीफाई करी लैता ऐ। अज्ज गै दुए सेमीफाइनल च चीन दा सामना दक्खन कोरिया कन्नै होग। एह मैच भारती समयें मूजब रातीं साढे अट्ठ बजे थमां शुरू होग।

<><><><><><>